

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Fünff Bücher, Vonn Kriegs Regiment vnd Ordnung, Wie sich ein jeder Kriegszmann inn seinem Ampt vnnd Beuelch halten soll, was zu anfang eines Kriegs zuerwegen vnnd zubetrachten sey, Auch vonn ...

Fronsberger, Leonhardt

[Franckfurt am Main], 1558

VD16 F 3129

Was für Personen inn einer Besatzung vonnöten.

[urn:nbn:de:bsz:31-41862](https://nbn-resolving.org/urn:nbn:de:bsz:31-41862)

Von allerhand kriegsfrüstung vnd gebrauch/

wölche sollichs geschehen mag/ seind nitt not zumelden/ der verständigen wol betrachten.

Item ob jemandes der in der Besatzung verräterey treyben wölt/ vonn feynnden darzu angestiftet vnd offenbar würde/ der soll mit strenger frag ernstlich ersucht/ vnd der feynd Practicken erkündigt/ Nachmals so die schuld befunden/ der verräter gegen der feynd Läger vber die mauren/ oder gewiertheit/ vnd die vierteil hinauß gehenckt werden/ nach gelegenheyt des verwirckens/ damit der feind sein angestellte verräterey geoffenbaret/ vergebens vnd gestrafft sein/ vermercke.

Was für Personen inn einer Besatzung vonnöten.

Item Köch/ souil nach viele der Personen der Besatzung vonnöten/ ist gut das sie mezen können.

Item wo die Köch nicht mezen können/ einen odder so viel vonnöten Mezger.

Item ein notturfftig anzal der Keller/ ist gut das sie Küffer odder Binder seyen.

Item wo die Keller nicht Binder seind/ ein oder zwen Binder.

Item nach erhaischung der notturfft Becken odder Pfister/ die daneben auch das Mülwerck können.

Item wa die Becken das Mülwerck nicht können/ so soll man haben nach notturfft ein anzal Müller.

Item Schneider vnd Schumacher.

Item Schmid vnd Schlosser.

Item Zimmerleut vnd Schreiner.

Item Steinmezen vnd Maurer.

Item Bergknappen/ wa man die gehalten mag/ dann sie inn Besatzungen fast dienstlich seind.

Item Seyler.

Item Wagner.

Item

Item Salpeter vnnnd Puluermacher.

Item Bierbrewer.

Item ein Doctor der Arzney.

Item etlich geschickte Schärer vnd Wundärzter zc. mit ster Arzney.

Item etlich geschickte geleerte Priester vnd Predicanten.

Item ein Harnasch bieter oder Flicker,

Zu allen angezeygten handtwercks leuten gehören jr notturfft Knecht/
auch Werckzeug vnd was anders mehr darzu gehört.

Item man soll auch versehen sein/mitt Küchen geschirr nach notturfft.

Man soll auch haben ett wann vil guter starcker Leytern/zu aller notturfft zugebrauchen.

Weibs Personen.

Item ein Näyerin mit ihren helfferin/die dem volck Hembder vnnnd anders machen können/auch der Bettgewand vnd anderer Leynwat im Schloß/odder der Besatzung pfleg vnnnd warte/darzu gehört auch ein vorrath Leynwat/damit man die selbig dem volck zur notturfft vmbß gelt mitteylen möge.

Item etliche weiber zu pfleg vnd wart der Kranken/die auch in der Küchen helfen Spülen/vnd bey den Pfistern vnd Weggern zugreifen/darzu mag man weyber haben/zu anderer notturfft der Man auch gebreuchlich/doch soll man allen zant vnd eyfer der weyber halben fürkommen vnnnd nit gestatten.

Keiner Frawen soll man auß dem Schloß oder der Besatzung erlauben/zuvor vnd ehe man allen zusatz vrlaubt.

Wie man den Kriegsrath vnd die ämpter besetzen soll.

Item der Oberst soll zu ihme erfodern drey Kriegsrath/nemlich einen vom Adel/einen geschickten/ehrlichen/erfarnen man/den erkieft er zu seinem Leutenant oder verwalter/ist gut das derselbig des Kriegsheren Lehenman oder bewerter getrewer diener sey gewesen.

¶ iij Darnach